

Minister dr. Richard Visser

San Nicolas lo conoce un Imsan ekipa cu tres Centro di Cuido hopi importante

ORANJESTAD - Despues di varios aña na Playa, clinica La Posada ta muda pa San Nicolas pa trece un cambio mucho mas positivo y di cuida medico mas amplio. Minister di Salubridad Publico y Deporte, dr. Richard Visser ta hopi contento cu e cambio aki, ya cu La Posada ta un clinica conoci pa duna excelente servicio na nos comunidad y awo ta muda bin pariba, como parti di e master plan di reorganizacion di IMSAN. E mandatario a splica cu actualmente tin 3 seccion importante cu lo ta na IMSAN, esta e "Urgent Care Center", e centro di oncologia y e centro di diabetes.

URGEN CARE CENTER

E centro di "Urgent Care Center" ya ta parcialmente den funcion y ta loke nos conoce como "spoedeisende hulp" y ta pa asisti hospital den casonan di emergencia pariba di brug. E ta bay ta mas structura sigur hopi mas amplio y tur esaki pa yuda e pashentnan mas miho cu ta posibel. Pa loke ta trata e centro di oncologia, e mandatario a amplia cu esaki tin cu bay fungi como un clinica estilo di turismo medico.

PROYECTO DI TURISMO DI SALUD

E centro di oncologia lo ta ekipa cu e ekiponan sofisticada y moderno y ta brinda e pashentnan e tratamento di tanto "Quimio" como "Radioterapia". "Pues e lo bira un proyecto di turismo di salud, unda cu nos ta bay tin e number di Baptist Health South Florida, cu ta un number hopi conoci y di hopi peso, tanto den nos region como den nos continente. Ey ta unda nos ta bay trek e turismo di medico, unda cu sigur nos lo por bin cu varios proyecto pa Aruba. Paisnan y islanan bisiña lo por haci uzo di nos servicio pa nan pashentnan di cancer.

CENTRO DIABETICO

E di tres seccion cu ta esun di e "Centro Diabetico" un centro di cuida pa e pashent diabetico. Aki e servicio ta funciona al estilo di carusel, unda cu e pashentnan por check presion, check wowo, servicio di pedicure, wondenpolie, guia di nutricion. Enfin tur loke cu tin di haber cu e diabetico, incluyendo proximamente dialisis. Den futuro hopi cerca ta muda Clinica



Minister di Salubridad Publico y Deporte, dr. Richard Visser.

La Posada completo pa IMSAN. E cambio aki lo mehora e calidad di bida di e pashent di dialisis di pariba di brug y alabes ta centralisa e cuida general di diabetes

PRONTO

E cambionan aki cu lo keda introduci proximamente na IMSAN convertiendo IMSAN den un centro di cuida specialisa lo bay trece un ambiente nobo, unda lo tin mas trabou na San Nicolas. Y tambe mas profesionalnan specialisa den e area di diabetes, oncologia y centro di urgencia", asina Minister Dr. Richard Visser a bisa den su entrevista. □